

p. 231 line 8【**根本地獄**】《俱舍論》卷十一、《瑜伽師地論》卷四，說有八熱地獄、八寒地獄。八熱地獄，又稱為八大地獄，分為等活、黑繩、眾合、叫喚、大叫喚、焦熱、大焦熱、無間（阿鼻）等八個區域。此皆是從其苦惱相定名。各個地獄皆有眷屬地獄，即各有十六個別處（小地獄），與上述的八大地獄合計，共有 136 個地獄。八寒地獄是指：1 頸部陀。2 尼刺部陀。3 頸啞吒。4 臃臃婆。5 虎虎婆。6 啞鉢羅。7 鉢特摩。8 摩訶鉢特摩等八所地獄。最初的二所是因皮膚為寒風吹成卷縮狀態而定名。次三所顯示受寒風吹襲，其口舌麻痺，叫聲異常。最後三所是顯示皮肉爛如蓮華一般。～《中華佛教百科全書》

【**近邊地獄**】關於八熱地獄的十六個眷屬地獄的名稱，在《長阿含經》中說整個八熱地獄有十六個地獄，即黑沙、沸屎、五百釘、飢、渴、一銅釜、多銅釜、石磨、膿血、量火、灰河、鐵丸、斫斧、豺狼、劍樹、寒冰等地獄。如下圖。


《菩提道次第廣論》卷 3：「初等活者，謂彼有情多共聚集，業增上故，種種苦具次第而起，互相殘害，悶絕躡地。次虛空中發如是聲：汝諸有情可還等活。次復歎起，如前殘害，由是當受無量眾苦。二黑繩者，其中所生諸有情類，謂多當受如是眾苦，諸守獄卒以黑繩拼，或為四方，或為八方，或為種種非一紋畫，如其所拼，如是以刀或斫或割。三眾合者，謂彼有情或時展轉而共集會，爾時獄卒驅逐令入，如二孺頭鐵山之間，從此無間兩山合迫，爾時從其一切門中血流涌注，如是如諸羊、馬、象、獅及如虎頭合迫亦爾。又集會時，驅逐令入極大鐵槽，壓迫全身，如壓甘蔗。又集會時，有大鐵山從上而墮，於鐵地基，若斫若割，若擣若裂，如是等時，血流涌注。四號叫者，謂彼有情尋求宅舍，即便趣入大鐵室中，始纔入已，火便熾起，由是燃燒。五大號叫者，多與前同。其差別者，謂其鐵室層匝有二。六燒熱者，謂彼有情，為諸獄卒置於眾多踰繕那量極熱燒然，大鐵鑊中，展轉燒燂，猶如炙魚熾然鐵鼎，從下貫入，徹頂而出，從口、二眼、二鼻、二耳、一切毛孔，猛燄熾生。又置熾然大鐵地上，或仰或覆，以極熾然炎熱鐵椎，或打或築。七極熱者，謂以三尖大熱鐵鼎，從下貫入左右二鋒，徹左右膊，中從頂出，由是因緣，從口等門，猛燄熾生。又以熾然炎熱鐵鑊徧裹其身。又復倒擲熾然涌沸彌滿灰水大鐵鑊中，其湯涌沸，上下漂轉。若時銷爛皮肉血脈，唯餘骨瑣，爾時澆出，置鐵地上，待其皮肉血脈生已，還擲鑊中，餘如燒熱。八無間者，謂自東方多百非一踰繕那地，猛火熾然，即從其中騰燄而來，由此漸壞彼諸有情皮肉筋骨，直徹其髓，徧身一切猛燄熾然，燒如脂燭。所餘三方悉皆如是。四方火來，於彼合雜，所受苦痛，無有間隙，唯因號哭叫苦聲音，知是有情。又於盛滿熾然鐵炭大鐵箕中，而為搗簸。又命登下熱鐵地上，諸大鐵山。又從口中

拔出其舌，以百鐵釘，釘而張之，令無皺襞，如張牛皮。又置鐵地令其仰臥，以大鐵鉗，鉗口令開，熾然鐵丸，置其口中。又以洋銅而灌其口，燒口及喉，徹諸腑臟，從下流出。所餘諸苦，如極燒熱。此但略說粗顯苦具，非餘種種眾多苦具而不可得。如是所住、住處之量及諸苦等，是如《本地分》中所說錄出。」(B10,p.646, a18-b15)

【孤獨地獄】依各人之罪業所招感，孤散於虛空或曠野之地獄，非如八寒、八熱地獄之有定處。又作孤地獄、獨地獄、邊地獄。據《俱舍論》卷十一載，孤地獄有多種差別，處所不定，或近江河、山邊、曠野等地。蓋古來多以溫泉湧出，或噴火山之地為孤地獄，如印度王舍城之熱湯地獄、吐蕃之鑊湯地獄等。~《佛光大辭典》

《菩提道次第廣論》卷3：「如是能感於彼等中受生之因，如下當說，極近易為；於日日中亦集多種，先已集者，現有無量。是故不應安穩而住，應思此等深生畏怖，與彼中間唯除隔絕悠悠之息而無餘故。……能感如是眾苦之因，唯是自內三門惡行，如是知己，應盡士夫力用策勵，輕微惡行莫令染著。」(B10,p.647, b13-22)

p. 233 line 1【鬼】《阿毗達磨順正理論》卷31：鬼之種類有三：(一)無財鬼。(二)少財鬼。(三)多財鬼。此三各有三。無財鬼：(1)炬口鬼。(2)鍼口鬼。(3)臭口鬼。少財鬼：(1)鍼毛鬼，其毛如針，以自刺刺他也。(2)臭毛鬼。(3)癯鬼。多財鬼：(1)希祠鬼，常居社祠中，希其食物也。(2)希棄鬼。常希人之棄而食之也。(3)大勢鬼。大勢大福如天也。



【三十六鬼】《正法念經》舉三十六種鬼：1 鑊身餓鬼。2 針口餓鬼。3 食吐鬼，4 食糞鬼。5 無食鬼。6 食氣鬼。7 食法鬼。8 食水鬼。9 希望鬼。10 食睡鬼。11 食髮鬼。12 食血鬼。13 食肉鬼。14 食香鬼。15 疾行鬼。16 伺便鬼。17 地下鬼。18 神通鬼。19 熾燃鬼。20 伺嬰兒便鬼。21 欲色鬼。22 住海渚鬼。23 使執杖鬼。即閻魔王也。24 食小兒鬼。25 食人精氣鬼。26 羅刹鬼。27 火爐燒食鬼。28 住不淨巷陌鬼。29 食風鬼。30 食火炭鬼。31 食毒鬼。32 曠野鬼。33 住塚間食熱灰土鬼。34 樹中住鬼。35 住四交道鬼。36 殺身餓鬼。～《佛學大辭典》

p. 234 line -5 【國無惡道願】漢吳魏唐四譯的第一願皆是此願，唯有宋譯作：「所有一切眾生，及焰摩羅界，三惡道中地獄餓鬼畜生，皆生我刹，受我法化，不久悉成阿耨多羅三藐三菩提。」

p. 235 line 2 【不更惡趣願】漢譯第 2 願：國中人民從我國去，不復更三惡道。吳譯第 8 願：國中諸菩薩欲到他方佛國生，皆令不更三惡道。魏譯第 2 願：國中人天壽終之後，不復更三惡道。唐譯第 2 願：國中眾生不墮三惡趣。

p. 235 line 2 【國無惡道】《阿彌陀經要解》卷 1：「恐有疑曰：既是淨土。何有眾鳥？故今釋曰。非罪報所生。乃彌陀欲令法音宣流。故變化作此諸鳥耳。問：既云無惡道名。則白鶴孔雀等獨非畜生道名耶？答：既非罪報所生。則一一名字皆詮如來究竟功德。所謂究竟白鶴究竟孔雀等。無非性德美稱。豈更名惡道哉！問：佛欲法音宣流。隨所化現皆可。何必化作眾鳥？答：有四悉檀因緣。一者凡情喜此諸鳥。順情而化之。令歡喜故。二者鳥尚說法。令聞之生善故。三者鳥能說法。不於眾鳥起下劣想。對治分別心故。四者鳥即彌陀化作。不異彌陀法身。令悟法身平等。無所不具。亦無所不造故。」(T37,p.369,b14-26)

p. 235 line -2 【惡趣往生】《淨土聖賢錄》卷 9〈往生物類第十〉：列出鸚鵡、鸚鵒（八哥）等三例。(X78,p.314,c)《淨土聖賢錄續編》卷 4〈往生物類第七〉：列出雞等二例。《西歸直指》卷 4〈惡趣往生類〉：列出龍子等三例。《淨土聖賢錄續編》卷 4：「又傳載江西有聽法蛇。廬州坐化貓。峽中有有坐化猴。巢縣柘臯鎮有立化雀。黃大參庭翠有放生坐化豬。種種靈異。不可殫述。總論曰：五濁惡世。染心易熾。淨德難成。故經言娑婆勇猛一日。勝於淨土百年。今以物類而較人類。抑又其難焉者矣。而一念投誠。三塗解脫。物類且然。況於人乎。」(X78,p.350,c13-19)《西歸直指》卷 4：「蓮大師曰：鸚鵡鸚鵒。人教以念佛。蓋常事耳。今胡不見往生？噫！譬諸世人。均聞念佛之教。有信心念者。又輕心念

者。是以念佛人多。往生人少。彼鸚鵡鵲。何獨不然乎！」(X62,p.128,a23-b2)

p. 237 line -1【身金色相】道隱《無量壽經甄解》：「問：下有三十二相願（有身色金體相），非繁重乎？有云「淺深總別之異」，（澄憲）有云「總別為異云云」。了惠云：「不爾。據黑谷，約純雜門判此願，下取顯色勝邊為一相，此願取純一色邊而為願體云云。」今謂：下約差相具足（一人中諸相相望），此願約平等一相（多人相望示平等）。」意即：第3願「身悉金色願」顯所有眾生平等一相，純一金色；第4願「三十二相願」顯所有眾生皆具足如佛的32相；第5願「身無差別願」顯所有眾生容貌形色無有差別。

p. 238 line -1【身無差別】淨空和尚：相好是自然成就的，一心一意去修善法，遠離一切惡法，三十二相自然成就。往生到西方極樂世界，是阿彌陀佛佛力加持給我們，讓我們也得到像他一樣的好相，像他一樣的紫磨真金色身，具足無量相好。雖然佛力加持，從根本上來講，也是我們的性德，就是世尊在《華嚴》上說，「一切眾生皆有如來智慧德相」，無量的相好，一切眾生本來具足，只是迷失了自性。佛菩薩幫助我們，開示悟入，讓我們把自性找回來。…我們這個世界的人身容貌不相同，不同就有高下，是非就起來了。身材高大、相貌端莊的，很容易起傲慢心。身體弱小、相貌不好就有自卑感，無論在什麼地方都覺得自己不如人，這是煩惱。往生到極樂世界，不可能有這種不善的念頭生起，大家相貌全一樣，與阿彌陀佛完全相同，人人皆是；等覺菩薩往生如是，無間地獄眾生去往生亦如是，真平等！若「是非既起，長淪三有」，有高下的分別，有這種不平等的觀念，就出不了三界六道輪迴。「是故興大悲心，起平等願。」這即是發起此願之本因。

p. 240 line 3【漏盡通】「漏」即三界之見思惑，謂斷盡見思惑，不受三界生死而得解脫。據《俱舍論》卷27所載，以上六通，前五者異生凡夫亦得之，但第六通之漏盡通，唯聖者能得。普瑞《華嚴懸談會玄記》卷20：「若小乘說。前五通依四禪根本定起。以勢力廣大。能引發神通。未至、中間。慧多而定少。四無色。定多而慧少。若漏盡通。四禪根本、未至、中間、下三無色。皆能引起。皆許有無漏。若大乘說。前之五通與小乘同。若漏盡通。上二界八地總有。以有頂地遊觀無漏不無等。」(X08,p.244,b1-9)《大乘義章》卷20：「漏盡一通。依於四禪未來中間及三無色。」(T44,p.859,c25)

p. 240 line 3【神通遠勝凡小】懷感《釋淨土群疑論》卷6：「問曰：如舍利弗大目連等。所得五通不越三千大千世界。如何生彼凡夫。即能下至見聞神通等。

超過百千萬億諸佛世？以此准知。往生淨土者。皆是大根大行菩薩往生。非是凡夫所能生也。釋曰：此義不定。不可以穢土聖人所得五通勝於淨土凡夫類也。只如北鬱單越定報千年。何妨非想非非想天壽命八萬劫得有中天之者。豈以天業報長。不許有中天之壽？淨土亦爾。雖是凡夫。以受生業勝。或淨土報強。乘佛本願。或託聖威靈。或資生緣好。或獲大乘妙定。緣此得通勝此方聖。何所怪也！又五趣中陰將求受生。所得業通超二乘修得神通。何妨淨土眾生得通勝於此聖也。故經說言。聲聞獨覺無漏善根。不如初心始業菩薩有漏善根。」(T47,p.64,b7-22)卷 5：「問曰：此娑婆世界有十種勝事。諸餘淨土之所無有。又此方修道一日一夜。勝極樂世界一百年。准此經文。於此穢土修道勝生淨土。何為故乃勸往生西方耶？釋曰：若如所難。一切淨土教門皆不合說。如上引經所說利益。淨土無故。諸淨土教復慫勸令願往生。有何意也？今此二經對機讚勸不同。讚此住者。令諸菩薩雖居穢土。不失自行能多利益苦惱眾生。大悲行勝讚居穢土也。自有菩薩居穢土中。逢遇惡緣，廣造諸罪。是以如來勸彼眾生令生淨土。永絕惡緣。得免輪轉。故勸菩薩令生淨土。此兩經意。菩薩根性二類不同。如何乃引維摩等經所讚諸菩薩居在穢土饒益眾生等文。即言我只於此穢土修道。何須生彼淨土也。雖知於此修道一日當彼百年。然以見佛、逢善知識希。逢惡知識、退轉緣眾故。勸往生淨土也。如大集經第二十八〈日密分〉云：善男子。彼佛世界所有眾生。煩惱堅牢。繫縛深重。其形醜穢。多起憍慢。惡口兩舌。遠離實語。其實愚癡現智慧相。多起慳貪現捨施相。多有諂曲現質直相。心多濁亂現清淨相。多有嫉妬現柔軟相。樂離別人現和合相。多起邪見現正見相。彼國眾生隨女人語故。斷絕善根。增三惡道。善男子。汝今頗能為我作使至彼國不？乃至(云云)。爾時日密菩薩白佛言。世尊。我能向彼宣說是呪。但於彼土生怖畏想。何以故？如來向者為我宣說彼土眾生多諸弊惡。猶如生聾生盲生瘡。……佛言。善男子汝今不為現利。後當為饒益一切眾生。但往宣說。勿生疑慮。善男子。汝非彼土維摩詰耶。何故生怖？復有無量無數菩薩。其心悼動。至心繫念。欲得親近禮拜釋迦如來及諸大眾。并欲聽受微妙大典。如是大眾皆共同心。欲往彼界。我為是輩欲說大事。何以故？是等大眾其心未定。若往彼界。或生顛倒。近惡知識。彼佛告言。善男子。汝今不應生怖畏想。言不定菩薩者。即是初位退行菩薩。名曰不定。以不定故。恐來在此。逢遇惡緣。退轉造惡。彼土菩薩暫來至此娑婆世界。猶生怖畏。不敢來此。行者今日未是不退菩薩。而即欲往娑婆世界修道。不願往生西方。甚為失也。瑜伽論第七十八引深密經云。文殊師利故問佛言。世尊。諸穢土中。何事易得。何事難得？諸淨土中。何事易得。何事難得？善男子。諸穢土中。八事易得。

二事難得。何等名為八事易得？一者外道。二者有苦眾生。三者種姓家勢興衰差別。四者行諸惡行。五者毀犯尸羅。六者惡趣。七者下乘。八者下劣意樂加行菩薩。何等名為二事難得？一者增上意樂加行菩薩之所遊集。二者如來出現於世。善男子。諸淨土中與上相違。當知八事甚為難得。二事易得。為是多勸生淨土也。」(T47,p.58,a21-c16)

p. 239 -247【6-11願，雪廬老人眉註】6-8願：「昧於因果，方起貪嗔無明我執。」9願：「知彼知己，方能契機度眾，亦可取作觀摩。」10-11願：「到彼岸須得佛智。得佛智須侍多佛，自必先得神足，方易作到。」

p. 247 line 1【神通自在波羅蜜多】《大寶積經》卷17，第9願：「若我成佛，國中有情不獲神通自在波羅蜜多，於一念頃不能超過億那由他百千佛剎者，不取正覺。」(T11,p.93,c2-4)

p. 247 line 1【周遍巡歷供養諸佛】《佛說大乘無量壽莊嚴經》卷1，第3願：「我得菩提成正覺已，十方世界所有眾生，令生我剎，得大神通，經一念中，周遍巡歷百千俱胝那由他佛剎，供養諸佛，深植善本；悉皆令得阿耨多羅三藐三菩提。」(T12,p.319,b7-10)

p. 248 line 4【如意通】窺基《說無垢稱經疏》卷1〈序品1〉：「諸佛聖德雖復百千。以類而論不過二種：一大威力。二大神德。威力有三：一聖威力。二法威力。三俱生威力。聖威力者。謂佛昔時修習定力。今者依定。得定自在。隨其所願。一切事成。以調柔故。善修心故。名聖威力。法威力者。謂昔菩薩修六度等諸殊勝法。有廣大果。有大勝利。名法威力。俱生威力者。謂佛往昔先集廣大福德資糧。證得俱生甚希奇法。名俱生威力。初。聖威力即六神通：一神境智作證通。……初神境通有二：一能變。二能化。變謂先有而改易之。即十八變：一振動。二熾然。三流布。四示現。五轉變。六往來。七卷。八舒。九眾像入身。十同類往趣。十一顯。十二隱。十三所作自在。十四制他神通。十五能施辨才。十六能施憶念。十七能施安樂。十八放大光明。化謂先無而今有也。即三種化：化身、化境及化語。如上所說。變化二種能為二事：一引諸眾生入佛聖教。二惠施無量受苦眾生。聲聞神通唯至二千。獨覺神通能至三千。如來神通於一念頃能遍十方。菩薩初地至百佛世界。乃至十地隨其品類多少之數。如十地經說其分限。乃至漏盡通。二乘但能斷漏種現。不斷麤重。自知漏盡。而不知他及漏盡方便。亦不知他於漏盡得有增上慢。如來具斷種現隨眠。而能了知自他漏盡及盡方便。亦能知他有增上慢。自無染污。亦善為他廣分別說諸增上慢。即此所說六種神變。」(T38,p.996,b29-p.997,a1)